

Հայ տառերի գիւտի 1500-ամեայ և հայ տպագրութեան 400-ամեայ յօբելեանական հանդէսների առիթով՝ Կ. Հ. Բ. Ընկ. խորհուրդը որոշել է հետևեալը. 1) Ընկ. կողմից ներկայացուցիչներ նշանակել պ. պ. Ս. Մելքումեանին և Կ. Խալաթեանին էջմիածնում կայանալիք հանդէսներին մասնակցելու համար: 2) Չրիարար բաժանել Յովնանեան, Փայիանեան և Ներսիսեան դպրոցների բարձր դասարանների աշակերտ-աշակերտուհիներին Ա. Պողոսեան ֆոնդի գումարով հրատարակած «Ս. Մեսրոպ» դրքից: 3) Խորհրդի ամբողջ կազմով ներկայ գտնվել Թիֆլիսում կայանալիք յօբելեանական հանդէսներին:

Թիֆլիսի քաղաքային ինքնավարութիւնը որոշել է Հայոց Համազգային Յօբելեանի օրը շնորհաւորական հեռագիր ուղարկել էջմիածին՝ Ամենայն Հայոց կաթողիկոսին և յանձնել քաղաքապետ Ս. Խատիսեանին նաև անձամբ շնորհաւորութիւն յայտնել՝ կիրակի օրը Ներսիսեան դպրոցում կայանալի ակաթի ժամանակ:

Թիֆլիսի քաղաքային ինքնավարութեան մէջ հայ ծառայողները բացել են իրանց մէջ հանգանակութիւն յօգուտ դպրոցական ֆոնդի, ի յիշատակ Համազգային Յօբելեանի: